

«ՎՐԱՍՏԱՆԸ» 100 ՏԱՐԵԿԱՆ Է ՇՆՈՐՀԱՎՈՐԱՆՔՆԵՐԸ ՇԱՐՈՒՆԱԿՎՈՒՄ ԵՆ...

«ՎՐԱՍՏԱՆԸ» ԿԱՐԴՈՒՄ ԵՆՔ ՄԵՆՔ՝ ՄԱՆԿԱՎԱՐԺՆԵՐՍ ՈՒ ԱՇԱԿԵՐՏՆԵՐԸ, ՆՐԱՆՑ ԾՆՈՂՆԵՐԸ, ՏԱՏԻԿՆԵՐՆ ՈՒ ՊԱՊԻԿՆԵՐԸ



«Վրաստան» թերթի խմբագրությունն արդեն տասը տարուց մի քիչ ավելի գործում է Թբիլիսիի թիվ 104 համրային դպրոցում կառուցված Վանքի տաճարի տեղում: Տաճարի սուրբ աղյուսները, որոնցով կառուցված է դպրոցն ու այն սուրբ հողը, որտեղ կանգնած է դպրոցը, ուժ են տալիս բոլորին, ով մուտք է գործում այս տարածք: Հավանաբար, հենց այդ պատճառով խմբագրության անձնակազմը շարունակում է երիտասարդ մնալ ու աշխատել անդադրում, անձնուրացաբար, համախմբված, խանդավառությամբ...

Իհարկե, տեխնոլոգիաների 21-րդ դարում, երբ նույնիսկ հեռավոր գյուղերում, կարծես թե հասանելի է համացանցը, ցանկացած տեղեկության հայթայթումը մեծ ջանք չի պահանջում: Բայց մի՞շտ է, արդյոք, որ կարելի է հավատալ համացանցի հարթակներից ստացած լրատվությանը: Մինչդեռ մեր թերթին կարելի է հավատալ միշտ:

Այս թերթը կարդում են մեր դպրոցի մանկավարժները, մեր աշակերտները, նրանց ծնողները, տատիկներն ու պապիկները: «Վրաստանի» համարների կապոցները

կարելի է գտնել նաեւ մեր դպրոցի գրադարանում: «Վրաստան» թերթը ոչ միայն լրատվական բնույթ է կրում, այլ բարոյապես աջակցում է Վրաստանում ապրող յուրաքանչյուր եմիկի հայ քաղաքացու, որոնք լավ տիրապետում են միայն հայերենին: Թերթը հավատ է առ վաղվա օրը, այն Վրաստանում ապրելու հայի երաշխիքն է:

Անկասկած, այդ մարդիկ շնորհակալ են մեր կառավարությանը հայկական դպրոցի, Պ.Ադամյանի անվան հայկական դրամատիկական թատրոնի, մայրենիով լույս տեսնող թերթի համար, որովհետեւ, մնալով Վրաստանի լիարժեք քաղաքացի, այդ ամենը մեզ հնարավորություն է տալիս չկորցնել մեր ինքնությունը:

Խմբագրության աշխատակիցներին եւ թերթի ակտիվիստներին վաղուց հարազատ են դարձել մեր յուրաքանչյուր աշակերտի, դպրոցի ամբողջ անձնակազմի համար: Իսկ թերթի գլխավոր խմբագիր Վան Բայբուրթյանը մեր ընկերն ու ավագ խորհրդատուն է: Ես միշտ հիանում եմ նրա միաժամանակ ամեն տեղ լինելու կարողությամբ՝ խմբագրությունում, պաշտոնական միջոցառումներին, հասարակական տարբեր հանդիպումներին, կոնֆերանսներին, սիմպոզիումներին, ու այդ ամենի հետ մեկտեղ, բաց չի թողնում մեր դպրոցի եւ ոչ մի միջոցառում, մեր աշակերտների եւ ոչ մի ելույթ: Եվ այս գերզբաղ մարդը միշտ անկեղծ, մանկան մաքուր սրտով է ուրախանում

մեր աշակերտների նվաճումներով, մեր դպրոցի յուրաքանչյուր առաջընթացով, նա միշտ բարի խոսք կգտնի, անհրաժեշտ խորհուրդ կտա: Իսկ ինչպե՞ս չհիշել Վան Բայբուրթյանի հանդիպումները մեր բարձրդասարանցիների հետ, երբ գրույցները ժամեր են տեւում, իսկ թեմաները դուրս գալիս պաշտոնականի շրջանակներից: Նրա հետ ուզում են կիսվել բոլորը, որովհետեւ գիտեն՝ լավ եւ, հասկացվելու:

100 տարին թերթի պարագայում շա՞տ է, թե՞ քիչ: Նայած, թե ինչ հզորություններով կշափես: Մենք մեր թերթի մշտական ընթերցողն ենք, այդ ժամանակը չափում ենք տողերով, որոնց մեջ ինչ-որ մեկի հոգին է դրվել, որոնք օգնել են որեւէ խնդիր ու հարց լուծել, երեկոն խաղաղ վայելել, անհրաժեշտ լուր տրամադրել: Իսկ նման տողերը շատ ավելին են եղել, քան աստղերը երկնակամարում:

Եվ թող որ Աստված օրհնի «Վրաստան» թերթի ուղին, օրհնի անձնակազմին, ընթերցողներին: Եվ, եթե թերթն ապրի էլ շատ հարյուրամյակներ, ուրեմն Վրաստանում տեղի հայերն էլ լավ կապրեն: Շնորհավոր մեր թերթի հոբելյանը: Շնորհավոր մեր բոլորի ընդհանուր հոբելյանը: Հարգանքով եւ սիրով՝

ԻՐԻՆԱ ԺԱՄԿՈՂՅԱՆ

Թբիլիսիի թիվ 104 համրային դպրոցի տնօրեն

ՄԱՆԿՈՒՑ «ՎՐԱՍՏԱՆԻ» ԲԱԺԱՆՈՐԴՆ ԵՄ

- Սիրելի «Վրաստան», շնորհավոր 100-ամյա հոբելյանը: Ասեմ, որ քո հավատարիմ բաժանորդն եմ դեռ փոքրուց եւ անհամբեր սպասել եմ քեզ միշտ, դեռ՝ Ախալքալաքիում, հիմա՝ Թբիլիսիում: Քո էջերում միշտ գտել եմ այն լուրը, որին առ այդ պահը շարունակել եմ սպասել: Ցավոք, 2020 թվականի դեկտեմբերի 20-ին, երբ լրացավ 100-ամյակդ, համավարակով պայմանավորված չհաջողվեց մեծ շուքով նշել տոնը: Որքան մեծ էր ուրախությունս, երբ 2021-ի քո առաջին համարում կարդացի մեր երկրի վարչապետ Գիորգի Գախարիայի շնորհավորանքն ու վստահությունն առ այն, որ հոբելյանական տարեդարձը անպայման նշելու ենք այս մեծագույն մարտահրավերը միմյանց աջակցությամբ հաղթահարելուց անմիջապես հետո: Թող այդ երանելի օրը շատ սպասել չտա ու

լինի այս տարվա ընթացքում:

2021-ը, կարծում եմ, հաստատ կտարբերվի, որովհետեւ նախորդ խորհելու եւ վերահիմնաստավորելու դառն առիթներ տվեց եւ այս անգամ ամբողջ աշխարհին միասին: Համավարակ, պատերազմ, ամեն ինչ խառնվեց իրար՝ ստիպելով արժեւորել կյանքի յուրաքանչյուր պահը, ստիպեց կարոտել մարդկանց, բնությունը...

Եվ այդուհանդերձ, 2020-ն իմ անձնական տիրույթ դրական տեղաշարժ բերեց: Ավարտեցի Թբիլիսիի Ի.Ջավախիշվիլու անվան պետական համալսարանի հոգեբանության եւ կրթության գիտությունների ֆակուլտետի մանկավարժության բաժինը: Ես մանկավարժների ընտանիքից եմ, չնայած, որ աշխատանքային առաջին քայլերս սկսել եմ Վրաստանի Առաջին ակիբում եւ մեծ փորձ ձեռք բերել, այդուհանդերձ ձգտում էի դեպի

մանկավարժություն: Եվ երբ իմացա Թբիլիսիի թիվ 103 համրային դպրոցում թափուր տեղի մասին, անմիջապես դիմեցի: Այժմ ասեմ քեզ՝ որպես դասվար, եւ հայկական բաժնի 17 առաջին դասարանցիները ավարտեցինք մեր առաջին կիսամյակն ու սկսեցինք երկրորդը: Օգտվելով առիթից՝ կուզեի շնորհավորել նրանցից յուրաքանչյուրին, մեզ՝ արագ վերադարձ կյանքի բնականոն հուն:



ԳԱՅԱՆ ՊԵՏՐՈՍՅԱՆ
Թբիլիսիի թիվ 103 համրային դպրոցի ուսուցչուհի

ՀՈՒՍՈՎ ԵՄ ԿՅԱՆԴԻՊԵՆՔ «ՎՐԱՍՏԱՆԻ» ԷՋԵՐՈՒՄ



- Շնորհավոր, «Վրաստան» թերթի 100-ամյա հոբելյան, որի պատշաճ տոնակատարությամբ, կարծում եմ, բոլորս միասին կմասնակցենք 2021-ին: Կարծում եմ իմ նվաճումների մասնաժամանակներով կհանդիպեմ «Վրաստանի» էջերում: Չէ՞ որ արդեն 100 տարի այս թերթը մեծ գործ է կատարում՝ խոսելով դրականի մասին, դրանով իսկ նպաստելով բարի մթնոլորտի ձեւավորմանը: 2020 թվականը լի էր ե՛ւ լավ ե՛ւ վատ անակնկալներով: Ավարտեցի ԹԴՅ-ի իրավաբանական ֆակուլտետի մագիստրատուրան եւ ճանաչվեցի լավագույն մագիստրոս: Հանձնեցի փաստաբանների հավելյալ մասնագիտացման քննություն եւ ձեռք բերեցի երեխաների իրավունքների հավելյալ մասնագիտացում: Դարձա մի քանի հետազոտության հեղինակ/համահեղինակ, այդ թվում՝ «COVID-19-ի ազդեցությունը իրավական հարաբերությունների վրա»: Անցկացրեցի մի շարք թրեյնինգներ ու դասընթացներ: Միաժամանակ մասնակցեցի

թրեյնինգների ու workshop-երի, ինչպես նաեւ անցա Միջազգային ստանդարտներով հաշվապահական հաշվառման ամբողջական դասընթաց:

Ցավոք, 2020 թվականն առանձնացավ նաեւ մեզ հայտնի ողբերգությամբ՝ Արցախյան պատերազմով, մարդկային ու տնտեսական մեծ կորուստներով: Զգալի էին նաեւ համավարակի բացասական հետեւանքները, ինչը լիովին փոխեց մեր կյանքն ու արժեքամակարգը: Հուսով եմ, 2021 թվականին, տեղեղված հումանիտար աղետի հետեւանքները հնարավորինս կվերացվեն: 2021-ից ակնկալում եմ համավարակի ավարտ ու վերադարձ մեր բնականոն կյանքին: Տարեսկզբին պատրաստվում եմ ստանալ փաստաբանների մասնագիտացում նաեւ քրեական իրավունքի ուղղությամբ: Հնարավոր է ուսումնաշարունակեմ ԹԴՅ-ի իրավաբանական ֆակուլտետի դոկտորանտուրայում:

Այնպես որ, հանդիպելու բազմաթիվ առիթներ կունենամք:

ԱՆԴՐԱՆԻԿ ՄԻՆԱՅԱՆ

Իրավաբան

ք.Ախալքալաքի

«ՎՐԱՍՏԱՆԻ» ՅՈՒՐԱՔԱՆՉՅՈՒՐ ԸՆԹԵՐՑՈՂ ԱՅՍՕՐ ՀՈՐԵԼՅԱՐ Է

Սամցխե- Ջավախեթի տարածաշրջանի Բորժոմի մունիցիպալիտետում հայաբնակ չորս գյուղ կա. Տաբաթուրին եւ Սուլիթը գտնվում են Տաբաթուրի լճի ափին, իսկ Բալանթան եւ Գիխարուլան՝ մի քանի կիլոմետր դեպի հարավ... Մերը Սուլիթն է. Թբիլիսեյան լեռնաշղթայի հարավային լանջին: Չնայած, որ գյուղը փոքր է ու բարձրադիր, մենք շարունակում ենք անխափան ստանալ «Վրաստան» թերթը: Խմբագիր Վան Բայբուրթյանը հետամուտ է այդ գործին: Միշտ անձամբ է հետաքրքրվում, թե տեղ հասա՞վ, արդյոք, շաբաթվա համարը: Հայրս մեր գյուղի պաշտոնյաներից էր, թերթը ձեռքին տուն էր վերադառնում՝ երեկոյան հերթական համարը միասին կարդալու ավանդույթը պահելով: Մեր գյուղում այսօր էլ մնան ընտանիքներ կան, այդ թվում՝ մերը: Եվ նրանցից յուրաքանչյուրն այսօր մի տեսակի հպարտություն է ապրում, որովհետեւ ինքն էլ հոբելյար է՝ որպես հարյուրամյա թերթի ընթերցող: «Վրաստանը» հայատառ միակն է, որ դպրոցական դասագիրք-ծեռնարկներից բացի, հասնում է մեր գյուղ: Ուստի նրա նշանակությունը ես՝ որպես հայկական կրթօջախի մանկավարժ, շատ եմ կարեւորում՝ շնորհակալ լինելով մեր պետությանը, որի հանդուրժողական քաղաքականության շնորհիվ, «Վրաստանը» շարունակում է ապրել: Սիրելի «Վրաստան», շարունակիր երթը, եթե հարյուրը հատեցիր ու դիմացար դարիդ մարտահրավերներին, ուրեմն հաջորդող հարյուրամյակը վայելելու լիարժեք իրավունքն ունես: Սպասել ենք ու սպասելու ենք քո յուրաքանչյուր համարին...

ԱԼԵԿՏԵՐ ՀԱՐՈՒԹՅՈՒՆՅԱՆ

Բորժոմի մունիցիպալիտետի Սուլիթի համարական դպրոցի տնօրեն



(Սկիզբը՝ 1-ին էջում)

Թերթի հրապարակումները աչքի են ընկնում բարձր արհեստավարժությամբ, որը մշտապես ստույգ եւ օբյեկտի տեղեկատվություն է հանձնում իր ընթերցողներին:

Բացի նրանից, որ թերթը Վրաստանի հայալեզու բնակչությանը ապահովում է երկրում ընթացիկ գործընթացների վերաբերյալ տեղեկատվությամբ, այն նշանակալի նպաստում է մեր հասարակության ձեւավորմանը, վրաց եւ հայ ազգերի բարեկամության խորացմանը, Վրաստան-Հայաստան հարաբերությունների ամրացմանն ու երկրում ապրող ժողովուրդների միջեւ փոխհասկացողությանը եւ փոխադարձ հարգանքին:

Նաեւ մեծ է թերթի դերը հանդուրժողականության մշակույթի հաստատման եւ երկ-

րի քաղաքացիական ինտեգրման հարցերում: Հատկանշական է, որ ժողովրդական պաշտպանը եւ ժողովրդական պաշտպանին առընթեր Ազգային փոքրամասնությունների խորհուրդը, Հանդուրժողականության միջազգային օրվան նվիրված ամենամյա պարզեւատրման արարողությամբ, 2015 թվականի լրատվամիջոցների ամվանակարգում «Վրաստան» թերթին շնորհեց «Հանդուրժողականության աջակից» կոչում:

Կրկին անգամ շնորհավորում եմ «Վրաստանին» եւ արտահայտում իմ անկեղծ երախտիքը խմբագրությանը, լրագրողներին, բոլոր այն մարդկանց, ովքեր այսօր կազմակերպում են երթը, ու նաեւ բոլոր նրանց, ովքեր անցած տարիներին աշխատել են խմբագրությունում՝ աշխատանքի, օբյեկտիվության եւ երկրում

ծավալվող իրադարձություններին հավասարակշռված մոտեցման համար:

Շնորհակալություն եմ հայտնում ժողովրդական պաշտպանին առընթեր Ազգային փոքրամասնությունների խորհրդի հետ արդյունավետ համագործակցության համար:

Անկեղծորեն մաղթում եմ թերթին, պարբերականի խմբագրին եւ յուրաքանչյուր աշխատակցին ստեղծագործական հաջողություններ, բարօրություն եւ նորանոր ձեռքբերումներ:

ԻԶԱԲԵԼԱ ՕՍԻՊՈՎԱ

Ժողովրդական պաշտպանին առընթեր Ազգային փոքրամասնությունների խորհրդի գործադիր քարտուղար, Հանրային հեռարձակողի հոգաբարձական խորհրդի անդամ

(Սկիզբը՝ 1-ին էջում)

Եվ այդ կարծիքի հետ, համոզված եմ, ախալցիխցիների մեծամասնությունը համամիտ է, ուստիեւ կարծում եմ, չեմ սխալվի, եթե թերթի հոբելյանը շնորհավորեմ նաեւ մեր մունիցիպալիտետի բնակիչների անունից:

Շնորհավոր պանծալի հոբելյանը, «Վրաստան», երկարակեցություն քեզ ու հնարավորություն, որ ներկայիս համավարակով այնքանավորված այս դժվարին ժամանակահատվածում եւ սպազայում էլ շարունակես քեզ ատմականորեն վերապահված առաքելությունը: Հարգանքներով՝

ՌՈՒԲԵՆ ԿԱՐԱՊԵՏՅԱՆ

Ախալցիխի փոխքաղաքապետ

COVID - 19

ԳԻՈՐԳԻ ԳԱԽԱՐԻԱ. «ՎԱՐԵՎՈՐ Է՝ ԼԻՆԵՆՔ ՇԵՏԵՎՈՂԱԿԱՆ, ՆԱՎԱՍԱՐԱԿՈՎԱԾ, ԲԱՆԻ ՈՐ ՎԵՐՋՆԱԿԱՆ ՆՊԱՏԱԿԸ ՏՆՏԵՍՈՒԹՅԱՆ ԱՐԱԳ ՎԵՐԱԿԱՆԳՆՈՒՄՆ Է»

(Սկիզբը՝ 1-ին էջում)

- Մենք լավ արդյունքներ ունենք Աջարիայում, եւ մի քանի խոշոր քաղաքներից բացի, որտեղ դրական ցուցանիշը կշարունակի մնալ բարձր, ամեն ինչ կբացենք: Խոսքը առեւտրի կետերի, կրթական հաստատությունների ու քաղաքային տրանսպորտի մասին է: Եթե մենք հետեւողական չլինենք եւ անընդհատ խոսենք միայն բացման մասին, կվճարենք տնտեսությանը եւ այլ արդյունք չենք ստանա, դա պետք է հասկանանք բոլորս, երբ որոշում ենք կայացնում: Ո՞րն է դրական լինելու ցուցանիշը: Հենց որ դրական ցուցանիշը երկրում, քաղաքում եւ առանձին մարզերում գրանցվի չորս տոկոսից ցածր, ուրեմն կարող ենք արագացնել արդեն ներկայացրած բացման ծրագիրը: Օրինակ, եթե մոտակա մեկ շաբաթվա ընթացքում Թբիլիսիում դրական ցուցանիշը չորս տոկոսից ցածր լինի, իհարկե, մենք պետք է ավելի արագ խոսենք քաղաքային տրանսպորտի ու տնտեսության այն հատվածների բացման մասին, որը թույլ կտա համավարակային իրավիճակը: Այնպես որ, չափազանց կարեւոր է լինենք հետեւողական, հավասարակշռված, քանի որ վերջնական նպատակը տնտեսության արագ վերականգնումն է,- ասաց Գիորգի Գախարիան եւ հավելեց, որ փոխվարչապետ Մայա Տքիտիշվիլին, Էկոնոմիկայի նախարարության հետ, համծնարարություն կստանա՝ հանդիպումներ սկսել այն ոլորտների հետ, որոնք կարելի էր նշանակություն ունեն, եւ առաջին հերթին՝ զբոսաշրջության ոլորտի ներկայացուցիչների հետ, ում հետ կհամաձայնեցնեն մշակված ծրագրերը:

- Ինչպես գիտեք, բացվում են միջազգային չվերթերը: Բոլորս պետք է հասկանանք, որ մենք միասին, հետեւողականորեն, պետք է

ամեն ինչ անենք ամառային սեզոնն ապահովելու եւ գործածելու համար:

Բոլորս էլ տեսնում ենք, թե ինչ է տեղի ունենում մեր լեռնային հանգստավայրերում: Այս ամենը ծայրաստիճան ցավալի է: Մենք բոլորս շատ լավ հասկանում ենք, թե որքան դժվար է զբոսաշրջության ոլորտի եւ այն մարդկանց համար, ովքեր բիզնես ունեն Գուդաուրիում, Բակուրիանիում, Մեստիայում կամ Գոդերծիում, բայց եւս մեկ անգամ ընդգծում եմ, որ այս ամենը, ի վերջո, արվում է երկրի համար: Սա պայմանավորված է առաջին հերթին թեստավորման նոր սխեմայով եւ ակտիվ թեստավորմամբ, ինչպես նաեւ պատվաստումների հնարավորություններով ոչ միայն Վրաստանում, այլեւ ամբողջ աշխարհում,- նշեց Գիորգի Գախարիան:

Վարչապետի խոսքով, Վրաստանն ունի փոքր, բայց ծայրաստիճան բաց տնտեսություն, մենք համաշխարհային տնտեսության մաս ենք կազմում, եւ երկիրը առանձին չի կարող հաղթահարել այս տնտեսական ճգնաժամը:

- Բոլորս պետք է միասին աշխատենք եւ ապահովենք տնտեսության բացումը, առաջին հերթին՝ համավարակային իրավիճակը պատշաճ դա անելու ենք՝ կառավարելով եւ տարածման տեմպերը նվազեցնելով, ինչպես նաեւ պատվաստումների հնարավորությամբ: Նախա Թուրքիայում, Մայա Տքիտիշվիլին, Էկատերինե Տիկարաձեն եւ այլ գործընկերներ այս շաբաթ հանդիպումներ կսկսեն զբոսաշրջության ոլորտի ներկայացուցիչների հետ, համաձայնեցնելու ոլորտի աշխատանքի վերաբերյալ ծրագիրը, ինչպես նաեւ բացման փուլերը, որոնք ուղղակի կապված են համավարակի տարածման հետ,- հայտարարեց կառավարության ղեկավարը:

ԷԿՏԵՐԻՆԵ ՏԻՎԱՐԱԶԵ. «ԵՐԿԻՐԸ ԶԻ ՆԵՐԿՐԻ ՑԱԾՐ ՎԱՏԱՐԵԼԻՈՒԹՅՈՒՆ ՈՒՆԵՑՈՂ ՊԱՏՎԱՍՏԱՆՅՈՒԹ»

Հունվարի 26-ին Վրաստանի վարչապետ Գիորգի Գախարիայի նախագահությամբ անցկացված միջգերատեսչական համակարգող խորհրդի նիստի ավարտին, Վրաստանի առողջապահության նախարար Էկատերինե Տիկարաձեն հայտարարեց, որ երկիրը չի ներկրի ցածր վստահեւ լիությանը պատվաստանյութ:

- Մենք վստահում ենք Առողջապահության համաշխարհային կազմակերպությանը, նրա կողմից հաստատված վստահելի պատվաստանյութին, ուստի, ոչ մի պատվաստանյութ չի ներկրվի երկիր, որը չի ունենա բարձր վստահության վարկանիշ: Ես կարծում եմ, որ սա ամենակարեւոր փաստարկներից մեկն է, որպեսզի մեր քաղաքացիները մտածեն այն մասին, թե որքան մեծ պատասխանատվություն ունի կառավարությունն այս որոշման մեջ,-

հայտարարեց նախարարը:

Նրա խոսքով, պատվաստանյութը Վրաստան կներկրվի փետրվարի վերջին:

- Մենք սպասում ենք պատվաստանյութը փետրվարի վերջին: Անցկացվում են ինտենսիվ խորհրդակցություններ: Մենք արդեն հարցում ենք ուղարկել բոլոր կլինիկաներին ու բժշկական հաստատություններին, որպես-



զի տրամադրեն բժշկական հաստատությունում աշխատող ողջ անձնակազմի մանրամասն ցուցակը, որպեսզի պատվաստումների գործընթացը պատշաճ կերպով ծրագրվի,- նշեց Էկատերինե Տիկարաձեն:

ՊԱՏԱ ԻՄԱԶԵ. «ՊԱՏՎԱՍՏՈՒՄՆԵՐԻ ՀԱՐՅՈՎ ԲՆԱԿՉՈՒԹՅԱՆ ՇԵՏ ՊԵՏՔ Է ԱՇԽԱՏԵԼ»



Հիվանդությունների վերահսկման ազգային կենտրոնի ղեկավարի տեղակալ Պատա Իմնաձեի հայտարարությամբ, բնակչության 22 տոկոսը ասում է, որ երբեք պատվաստանյութ չի ներարկի, 20 տոկոսը դեռ չգիտի, թե ինչ է անելու, 55-ից 60 տոկոսը ասում է, որ պատվաստվելու է:

Նրա խոսքով, պատվաստանյութի վերաբերյալ շատ սխալ տեղեկություններ են

տարածվում, հատկապես՝ սոցիալական ցանցերում, ինչի պատճառով, բնակչության որոշակի հատված անվստահություն ունի: Պատա Իմնաձեն գտնում է, որ բնակչության կարծիքը փոխելու համար անհրաժեշտ է ավելի շատ իրազեկություն եւ բացատրություն:

- Մարդկանց մի մասը հավատում է դավադրության թեորիային: Սա շատ ցավալի է, բայց

կրկին ու կրկին ձեր օգնությամբ անհրաժեշտ է ավելի շատ աշխատանք տանել բնակչության հետ, ավելի շատ բացատրություններ տալ, թե ինչ եւ ինչ տեսակի պատվաստանյութեր կան: Բնության մեջ չկա մի ուժ, որ պատվաստանյութը հակադարձ ազդեցություն ունենա՝ փոխելով ԴՆԹ-ն: Ոչ բոլորը գիտեն կենսաբանության հիմունքները, բայց ինչ-որ կերպ մենք պետք է այդ ինֆորմացիան հասցնենք բնակչությանը,- հայտարարեց Պատա Իմնաձեն եւ հավելեց, որ աշնանը բնակչության 60 տոկոսը պետք է պատվաստված լինի, որպեսզի գալիք ձմեռը դիմավորենք պատրաստված:

Եղբ պատրաստեց ՑՈՒԻԻ ԽՈՐԵՆՅԱՆԸ որակյան տոկո-

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱԶԱՆՑԵՑ 100 ՄԻԼԻՈՆԸ

COVID-19 հաստատված դեպքերի թիվն աշխարհում անցել է 102 058 949 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 2 201 409 հազարը: Ապաքինվել է 73 միլիոն 909 183 մարդ:

Վարակվածների թվով աշխարհում առաջին տեղում ԱՄՆ է, որտեղ կա հաստատված 26 338 607 դեպք: Այստեղ մահացածների թիվը 443 769 է: Երկրորդ տեղում Հնդկաստանն է, որտեղ հաստատված դեպքերի թիվը հասել է 10 720 971-ի, մահացածներից՝ 154 047-ի:

Վարակվածների թվով հաջորդ տեղում Բրազիլիան է: Այստեղ վարակվել է 9 060 786, մահացել՝ 221 676 մարդ: Ռուսաստանում կորոնավիրուսով վարակվել է 3 793 810, վարակի հետեւանքով մահացել՝ 71 651 մարդ: Ռուսաստանին հաջորդում են Մեծ Բրիտանիան, Ֆրանսիան, Իսպանիան, Իտալիան, Թուրքիան ու Գերմանիան:

Հայաստանում, ընդհանուր առմամբ, վարակվածների թիվը

հասնում է 166 728-ի, մահացածներից՝ 3 069-ի, ապաքինվածներից՝ 156 910-ի:

Աղբրեջանում վարակվածների թիվը կազմում է 229 793 մարդ: Վարակից մահացել է 3 113, ապաքինվել՝ 222 154 մարդ:

Վերջին տվյալներով, Վրաստանում վարակվել է 256 956, մահացել՝ 3 148, ապաքինվել՝ 247 096 մարդ:

Հունվարի 29-ին կորոնավիրուսով վարակման 669 նոր դեպքերից 285-ը Թբիլիսիում է, Աջարիայում՝ 40, Իմերեթիում՝ 119, Բլեմո Բարթիում 41, Շիդա Բարթիում 23, Գուրիայում 16, Սամեգրելո-Ջեմո Սվանեթիում՝ 79, Կախեթիում՝ 49, Սցխեթա-Մթիանեթիում՝ 6, Ռաճա-Լեչխումիում եւ Բլեմո Սվանեթիում 1, Սամցխե-Ջավախեթիում 10:

ԿՈՐՈՆԱՎԻՐՈՒՄԻ ՆՈՐ ՏԵՍԱԿՆ ԱՐԴԵՆ ՏԱՐԱԾՎԵԼ Է ԱՇԽԱՐՀԻ 70 ԵՐԿՐՆԵՐՈՒՄ

Կորոնավիրուսի նոր տեսակը, որն առաջին անգամ արձանագրվել է Բրիտանիայում, գրանցվել է աշխարհի առմվազն 70 երկրում:

Առողջապահության համաշխարհային կազմակերպության տվյալների համաձայն, վարակի նոր տեսակով վարակման ցուցանիշը նվազում է՝ Մեծ Բրիտանիայում, Դանիայում, Իռլանդիայում եւ Նիդերլանդներում:

Ինչ վերաբերում է վարակի այլ շտամին, Առողջապահության համաշխարհային կազմակերպության տվյալներով, Հարավային Աֆրիկայում առաջին անգամ հայտնաբերված վարակի տեսակը գրանցվել է 31 երկրներում:

Վարակի մեկ այլ տեսակ, որն առաջին անգամ հայտնաբերվել է Բրազիլիայում, գրանցվել է ութ երկրում:

ԱՄԻՐԱՆ ԳԱՄՂՐԵԼԻԶԵ. «ԱՐԴԵՆ ՀՈՒՆՎԱՐԻՆ ՎԱՎԵՐԱՅՎԵՅ ԴՐԱԿԱՆ ՅՈՒՅԱՆԻՇ»

Հունվարի 26-ին Վրաստանի կառավարության տնտեսական թիմի անդամները, միջգերատեսչական համակարգող խորհրդի ներկայացուցիչների հետ հանդիպում ունեցան բիզնես հատվածի ներկայացուցիչների հետ:

Ներկայացնելով COVID-ի իրավիճակը, Վրաստանի հիվանդությունների վերահսկման կենտրոնի տնօրեն Ամիրան Գամդելիձեն նշեց, որ դրական ցուցանիշը զգալի ցուցիչներից մեկն է, դրա հետ մեկտեղ ունենք նոր դեպքերի քանակ, մահացության ցուցանիշ, ակտիվ դեպքերի քանակ, անկողնային ֆոնդում ազատ տեղեր, վերակենդանացման բաժնում հիվանդների քանակ, արհեստական շնչառության սարքին միացված հիվանդների քանակ:

Նրա խոսքով, հաշվի առնելով այս բոլոր բազմացուցանային գործոնները, որոշումներ կկայացվեն հետագա մեղմացման կապակցությամբ:

- Ընդհանուր առմամբ, երկրում այս բոլոր ցուցանիշները վերջին ամսվա ընթացքում դիմադրել կերպով բարելավվում են: Հունվարին ցուցանիշը կազմում է 8.5 տոկոս, մինչդեռ նոյեմբերի վերջին, ղեկտեմբերի սկզբին, այն մոտ 25-30 տոկոս էր ու նույնիսկ 35 տոկոս: Բացի այդ, վերջին 14 օրվա ընթացքում

սը 6,6 է, վերջին յոթ օրվա հաշվարկով՝ 5,5, իսկ այսօր՝ 4,1 տոկոս: Սա ամբողջ Վրաստանում է, բայց կան շրջաններ, օրինակ՝ Աջարիան, որտեղ այսօր մենք ունենք դրակահույության 1 տոկոս ցուցանիշ: Ընդհանուր առմամբ, Աջարիայում վերջին 7 օրվա ընթացքում այս ցուցանիշը կազմում է 3 տոկոս: Հետեւաբար, այսպես կոչված ասիմետրիկ մեղմացման քաղաքականությունը սկսվել է հայտարարվել է փետրվարի 1-ից երկրի ողջ տարածքում:

Ցանկալի է, որ այս տվյալներն ամուր պահվեն վերջին 14 օրվա ընթացքում, որովհետեւ բացման հաջորդ քայլերը հիմնվելու են 7 եւ 14 օրերի ցուցանիշների վրա,- հայտարարեց Ամիրան Գամդելիձեն:



ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅԱՆ ՀԱՐՑԵՐԸ ՀԱՅԱՍՏԱՆԻ ՎԱՐՉԱՊԵՏԻ ԵՎ ՖՐԱՆՍԻԱՅԻ ՊԵՏՆԱԽԱՐԱՐԻ ՀԱՆԴԻՊՄԱՆ ՕՐԱԿԱՐԳՈՒՄ



Հանդիպմանը քննարկվեցին Հայաստանի եւ Ֆրանսիայի հարաբերությունների զարգացման հարցեր, այդ թվում՝ նաեւ ներդրումների ներգրավման ու ֆինանսական հնարավոր օժանդակումը:

Հունվարի 28-ին Հայաստանի վարչապետ Նիկոլ Փաշինյանը հանդիպում ունեցավ պաշտոնական այցով Հայաստանում գտնվող Ֆրանսիայի՝ Եվրոպայի եւ արտաքին գործերի նախարարության պետքարտուղար Ժան-Բատիստ Լըմուանի եւ նրա գլխավորած պատվիրակության հետ: Հանդիպման մեկնարկին կայացավ Հայաստանի վարչապետի եւ Ֆրանսիայի պետքարտուղարի առանձնագրույցը, որին հաջորդեց ընդլայնված կազմով հանդիպումը:

Պաշտոնական առումով: Անդրադարձ կատարվեց երկկողմ տնտեսական գործընկերության օրակարգին: Կողմերը հեռանկարային համարեցին տրանսպորտի, ջրամբարաշինության, գյուղատնտեսության, բարձր տեխնոլոգիաների, թվային նորարարությունների, հանրային հատվածի թվայնացման ոլորտներում, ինչպես նաեւ տարածաշրջանային կոմունիկացիաների զարգացման ուղղությամբ փոխգործակցությունը:

Պայմանավորվածություն ձեռք բերվեց մշտական հաղորդակցության համար ձեւավորել երկկողմ միջգերատեսչական աշխատանքային շփման հարթակ եւ շարունակել ինտենսիվ աշխատանքը փոխադարձաբար հետաքրքրական ծրագրերի ուղղությամբ:

ԶԱՎԱՂ ԶԱՐԻՖ. «ՄԵՐ ԿԱՐՄԻՐ ԳԻԾԸ ՀԱՅԱՍՏԱՆԻ ՏԱՐԱԾՔԱՅԻՆ ԱՄԲՈՂՋԱԿԱՆՈՒԹՅՈՒՆՆ Է»

Հունվարի 27-ին պաշտոնական այցով Հայաստանում էր գտնվում Իրանի արտաքին գործերի նախարար Զավադ Զարիֆը: Այցի շրջանակներում, նա հանդիպումներ ունեցավ Հայաստանի վարչապետ Նիկոլ Փաշինյանի, ԱԳ նախարար Արա Ավագյանի հետ: Ավելի վաղ, Իրանի արտաքին գործերի նախարարը պաշտոնական այցով մեկնել էր Ադրբեջան, ապա՝ Ռուսաստան:

Այդ օրը կայացավ Հայաստանի վարչապետ Նիկոլ Փաշինյանի եւ Իրանի արտաքին գործերի նախարար Մոհամմադ Զավադ Զարիֆի հանդիպումը: Հանդիպմանը կողմերը մտքեր փոխանակեցին արցախյան պատերազմից հետո տարածաշրջանում ստեղծված իրավիճակի եւ զարգացումների շուրջ: Մոհամմադ Զավադ Զարիֆն ընդգծեց, որ Իրանը Հայաստանին համարում է կարևոր հարեւան. նրա գնահատմամբ, Հայաստանի եւ Իրանի սահմանները միշտ եղել են բարեկամության եւ համագործակցության սահմաններ՝ վստահություն հայտնելով, որ այդպես էլ շարունակվելու է:

- Մեր կարմիր գիծը Հայաստանի Հանրապետության տարածքային ամբողջականությունն է, որի մասին մենք հստակ արտահայտվել ենք, ասաց Իրանի արտաքին գործերի նախարարը: Նիկոլ Փաշինյանը եւ Մոհամադ Զավադ Զարիֆն անդրադարձան նաեւ երկկողմ հարաբերությունների օրակարգին եւ տնտեսական փոխգործակցության զարգացման հեռանկարներին: Զրուցակիցները կարեւորել են տարածաշրջանի տրանսպորտային եւ տնտեսական հաղորդակցության ուղիների ապաշրջափակումն ու վերականգնումը, ինչը կնպաստի առկա տնտեսական ներուժի իրացման ծավալներին ավելացմանը: Քննարկվել են ինչպես ընթացիկ, այնպես էլ՝ հավանական ծրագրերին վերաբերող հարցեր: Կողմերը վերահաստատել են փոխադարձաբար գործակցությունը շարունակելու պատրաստակամությունը:



համաձայն Զավադ Զարիֆի անդրադարձան նաեւ երկկողմ հարաբերությունների օրակարգին եւ տնտեսական փոխգործակցության զարգացման հեռանկարներին: Զրուցակիցները կարեւորել են տարածաշրջանի տրանսպորտային եւ տնտեսական հաղորդակցության ուղիների ապաշրջափակումն ու վերականգնումը, ինչը կնպաստի առկա տնտեսական ներուժի իրացման ծավալներին ավելացմանը: Քննարկվել են ինչպես ընթացիկ, այնպես էլ՝ հավանական ծրագրերին վերաբերող հարցեր: Կողմերը վերահաստատել են փոխադարձաբար գործակցությունը շարունակելու պատրաստակամությունը:

րազործարկումը, ինչը կնպաստի առկա տնտեսական ներուժի իրացման ծավալներին ավելացմանը: Քննարկվել են ինչպես ընթացիկ, այնպես էլ՝ հավանական ծրագրերին վերաբերող հարցեր: Կողմերը վերահաստատել են փոխադարձաբար գործակցությունը շարունակելու պատրաստակամությունը:

ԻՇԽԱՆՈՒԹՅԱՆ ՀՐԱԺԱՐԱԿԱՆԻ ՊԱՅԱՆՋՈՎ ՀԱՆՐԱՀԱՎԱՔՆԵՐԸ ԴԱԴԱՐԵՑՎՈ՞ՒՄ ԵՆ...



-Մենք այսօր արեցինք այն, ինչը մեր ուժերից վեր էր՝ ցույց տալով, որ պատրաստ ենք մեր խոսքի տերը լինել: Հիմա խնդրում են՝ որեւէ բողոքի գործուղություն չանցնել, որովհետեւ մեր ուժերն անհավասար են: Եթե մենք լինեինք բավարար չափի, ոստիկանությունն այլ պահվածք կունենար եւ մեզ կպաշտպաներ: Մենք ձեզ կասեմք, թե մեր հաջորդ կտրուկ քայլերը որոնք են լինելու, ասաց ակցիայի կազմակերպիչներից մեկը:

Հունվարի 28-ին Երեւանի Հանրապետության հրապարակում իշխանության հրաժարականի եւ ժամանակավոր կառավարության ձեւավորման պահանջով հանրահավաքն ավարտվեց՝ հանրահավաքի կազմակերպիչները հայտարարեցին, որ որոշում է կայացվել դադարեցնել բողոքի ակցիան:

Ավելի վաղ, Հանրապետության հրապարակի Կառավարության շենքի մոտ լարված իրավիճակ էր ստեղծվել. իշխանության հրաժարականի եւ ժամանակավոր կառավարության ձեւավորման պահանջով. հանրահավաքի մասնակիցները փորձում էին մուտք գործել Կառավարության շենք, սակայն ոստիկանությունը պատնեշ էր կազմել, ինչի հետեւանքով եւ հրմշտոց էր սկսվել:

ՎՐԱՍՏԱՆԻՑ ՀԱՅԱՍՏԱՆ ՍՈՒՏՔ ԳՈՐԾԵԼԻՄ՝ ՊԵՏՔ Է ՀԱՆՁՆԵԼ PCR ԹԵՍՏ

Վրաստան-Հայաստան սահմանի Բագրատաշենի սահմանային անցակետում այսուհետ Հայաստան մուտք գործող քաղաքացիները (այդ թվում՝ Հայաստանի քաղաքացիները) պարտավոր են հենց սահմանին PCR թեստ հանձնել: Թեստի արժեքը 15000 դրամ է:

Թեստը պարտադիր է ցանկացած տարիքի այցելուի համար, անգամ՝ նորածնի: Պատասխանն ուղարկվում է մեկ օր անց՝ էլեկտրոնային հասցեին: Այդ ընթացքում երկիր մուտք գործած քաղաքացին պարտավոր է ինքնամեկուսանալ, մեկուսացման կանոններն անտեսելը պատժվում է 50-300 հազար դրամով: Եթե քաղաքացին հրաժարվում է թեստ հանձնել, նրան շտապ օգնության մեքենայով տեղափոխում են Երեւան՝ կարանտինի գոտի: Հատկանշական է, որ նորամուծությունը հունվարի 11-ից

է, սակայն կիրառել սկսել են հունվարի 18-ից միայն, քանի որ ինչպես սահմանին ասացին՝ թեստ անող չկար: Այժմ սահմանային անցակետին կից բացվել է Նոր-Մեդ ընկերության կենտրոնը: Թեստը հանձնելուց հետո, իրավունք է տրվում հատել սահմանը՝ նույնիսկ առանց ջերմաչափման:



ԵՐԱՊՈՐՏ ՀԱՆԳԻՊՈՒՄԸ ԿԱՅԱՆԱ ՄՈՍԿՎԱՅՈՒՄ, ՀՈՒՆՎԱՐԻ 30-ԻՆ

Հայաստանի, Ադրբեջանի եւ Ռուսաստանի փոխվարչապետերի հանդիպումը տեղի կունենա հունվարի 30-ին, Մոսկվայում: Տարածաշրջանում բոլոր տնտեսական եւ տրանսպորտային կապերն ապաշրջափակելու նպատակով, Հայաստանի, Ռուսաստանի եւ Ադրբեջանի փոխվարչապետերի նախագահությամբ, եռակողմ աշխատանքային խումբ ստեղծելու համաձայնություն էր ձեռք բերվել հունվարի 11-ին, Մոսկվայում երեք երկրների ղեկավարների եռակողմ հանդիպման արդյունքներով: Եռակողմ աշխատանքային խմբում հայկական կողմը ներկայացնելու է փոխվարչապետ Սիեր Գրիգորյանը:

ԱՐՑԱԽ ՎԵՐԱԳՈՐԾՈՒՄԸ ԳՈՐԾԵԼՈՒՄԸ ՆԱԽԿԱԿՎՈՒՄ Է

Ռուսական խաղաղապահ ուժերի եւ ռազմական ուստիկանության ուղեկցությամբ միայն հունվարի 28-ին Արցախ է վերադարձել 192 մարդ, ովքեր ավելի վաղ լքել էին իրենց բնակավայրերը մարտական գործողությունների պատճառով: «2020թ. նոյեմբերի 14-ից սկսած, ընդհանուր առմամբ, Լեռնային Ղարաբաղ է վերադարձել 51 հազար 408 մարդ», - նշված է Ռուսաստանի պաշտպանության նախարարության հաղորդագրության մեջ:

ՀԱՐԱՊԵՐ ՏՈՒՔԸ՝ ՀՈՒՈՐՈՍԻ ԵՎ ՑԵՆԱԿԱՆՈՒԹՅԱՆ ՁԱՆԵՐԻ ՀԻՇՏԱԿԻՆ

Երեւանի Հոլորոսի եւ Ցեղասպանության զոհերի հիշատակին նվիրված միջոցառման Հայաստանի հրեական համայնքի նախագահ Ռիմա Վարժապետյանը հայտարարեց, որ Հոլորոսի պետք է հիշվել եւ չպետք է մոռանալ այդ ողբերգական իրադարձությունը: -Ղա մեծ դժբախտության է, որ տեղի է ունեցել մարդկության հետ: Հարցը նրանում է, որ այս ամենին նախորդել է Հայոց ցեղասպանությունը, որը չդադարապարկվեց, որը մինչ օրս շարունակվում է, այդ թվում, ցավով, Խորալեյը չընդունեց: Մենք պետք է հիշենք եւ հիշում ենք այն իրադարձությունների մասին, եւ եթե այսօր մենք չխոսենք այդ մասին, ապա ավելի սարսափելի իրադարձություններ կարող են հաջորդել, - ասաց Վարժապետյանը:

ՀԱՅԱՍՏԱՆՈՒՄ ԱՃԵԼ Է ՇԵՆՈՒՆՈՒՄԸ ԹԻՎԸ

Հայաստանի առողջապահության նախարարությունը հայտնել է, որ երկրում 2014 թվականից ի վեր առաջին անգամ գրանցվել է ծնունդների թվի աճ, նախորդ տարվա համեմատ: Միաժամանակ, հավաքագրված տվյալների համաձայն (վիճակագրության մեջ ներառված չեն Արցախի ժամանակավորապես Հայաստան տեղափոխված անչանց ծնողաբերությունների թվը), նախորդ տարի հանրապետությունում գրանցվել է 36 289 ծնունդ, ինչը 211-ով ավելի է 2019 թվականին արձանագրված ծնունդների համեմատ: Հարկ է նշել, որ 2014 թվականից ի վեր առաջին անգամ է գրանցվել ծնունդների թվի աճ, նախորդ տարվա համեմատ:

ՀԱՅԱՍՏԱՆՈՒՄ ԳԵՍՏԸ ԱՄԵՆԱՑՈՒՄ Է ԵՍՍՈՒՄ

Հայաստանում 2020-ի նոյեմբերին գրանցվել է Եվրասիական տնտեսական միության (ԵԱՏՄ) երկրներում գների ամենացածր աճը. գները 2019-ի դեկտեմբերի նկատմամբ աճել են 0.3, իսկ նախորդ տարվա նոյեմբերի համեմատ՝ 1.6 տոկոսով: ԵԱՏՄ բոլոր հինգ երկրներում միասին վերցրած ապրանքների եւ ծառայությունների գներն այս տարվա նոյեմբերին, 2019-ի դեկտեմբերի համեմատ, աճել են 4.5, նոյեմբերի համեմատ՝ 4.9 տոկոսով:

ԵԿԵՂԵՑԱԿԱՆ

1.02.2021 Սուրբ Ատոմյանց հիշատակության օր

4.02.2021 Սուրբ Ոսկյանց քահանաների հիշատակության օր

6.02.2021 Տոն Սուրբ Սահակ Պարթև Չայրապետի

Սուրբ Սահակ Չայրապետը Ներսես Մեծ կաթողիկոսի որդին էր, Սուրբ Գրիգոր Լուսավորչի տոհմի վերջին ներկայացուցիչը, ով 387 թվականից սկսած

ՓԵՏՐՎԱՐ

սած 52 տարի եղել է Չայրց հայրապետական աթոռի գահակալը: Սահակ Պարթևը մեծ նպաստ է բերել հայ ազգային մշակույթի զարգացմանը, եղել հայոց գրերի ստեղծման ջատագովը, Մեսրոպ Մաշտոց վարդապետի հետ դարձել հայ դպրության ու եկեղեցական մատենագրության հիմնադիրը: Նա Սուրբ Մեսրոպի հետ թարգմանել է «Աստվածաշունչը» եւ այնքան լավ են թարգմանել այն, որ Աստվածաշունչի հայերեն թարգմանությունը դարձրեց հետո կոչվել է «Թարգմանությունների թագուհի»:

ՄԵՐ ՓՈՍՏԱՐԿՐԻՑ

ՇՆՈՐՀԱԿԱԼՈՒԹՅՈՒՆ, ԶԵՄԱԼ, ԶԵՐ ՇՆՈՐՀԻՎ ՆՈՐԻՑ ԱՊՐՈՒՄ ԵՄ

82 տարեկան եմ: Իմ ոչ կարճ կյանքի ընթացքում հանդիպել եմ մարդկանց, ովքեր հանգամանքների բերումով, դարձել են ինձ շատ կարելու ու հանդիպման պահից իսկ սրտիս խորքերում մնացել՝ իբրեւ մշտապես փայլալաված ու հարգարժան կերպար: Այդպիսին է այսօր ինձ համար Զեմալ Զիքիան...

Նա վիրաբույժ է: Մառնեուլի մունիցիպալիտետի հիվանդանոցում զննելուց հետո, ինձ՝ մունիցիպալիտետի հոփմեյլ գյուղի բնակչիս, շտապ ուղարկեցին Թբիլիսիի Արամյանցի հիվանդանոց, ուր եւ «Իվերիա» բաժանմունքում, ճակատագրի բարեբախտ բերումով, հանդիպեցի Զեմալ Զիքիային:

Ունեի միզափամփուլոշտի խնդիրներ: Բժիշկը երկար եւ, ինչպես ինձ թվաց, պահանջվածից էլ շատ ավելի մանրամասն զննեց ինձ, ինչը, անկեղծ ասած, մեծացրեց հոգուս տագնապը:

- Երեւում է վիճակս անհուսալի է...,- մտածեցի ես ու հուսահատ դիմեցի այդ պահին ինձ լուռ նայող բժշկին.- Ի՞նչ է, բժիշկ ջան, եկել է կտակս գրելու ժամանակը...: Նա ժպտաց ու ասաց, որ ամիրաժեշտ է շտապ վիրահատություն...

Հիմա տագնապներս մնացել են անցյալում: Ընտանիքիս գրկում վայելում եմ իմ ծերունական կյանքի քաղցր ու թանկ

պտուղները, որը վերագտա՝ ինձ նոր կյանք պարգեւած, իր շրջապատում արժանի համբավ ու հմուտ մասնագետի անուն վաստակած Զեմալ Զիքիա վիրաբույժի շնորհիվ: Սեփական փորձով, ինչպես ասում են, մաշկիս վրա զգացի նրա պրոֆեսիոնալիզմը: Ինչ լավ է, որ կան քեզ նման վիրաբույժներ:

Շնորհակալ եմ, բժիշկ: Թող իմ հայրական օրհնամբը լինի ուղեկիցդ, եւ Աստված պահպանի քեզ ու քո ընտանիքին ամենայն չարից: Խորին շնորհակալությունս նաեւ ինձ խնամող, ջերմ ու հոգատար բուժքույրերին:

ԺՈՐԱ ՄԱՍՈՒԼՈՎ
Մառնեուլիի մունիցիպալիտետ, գյուղ Խոխմեյլ

ՀՈՒՆՎԱՐԻ 27-ԻՆ՝ ՆԻՆՈՐԱ

Հունվարի 27-ին Վրաց Ուղղափառ եկեղեցին նշեց Վրաստանում քրիստոնեության քարոզիչ Նինոյի հիշատակի օրը:



Ծնունդով Բյուզանդիայի Կապադոկիա քաղաքից Սուրբ Նինոն (մոտ 296 - մոտ 340) Վրաստան է մուտք գործել Փարվանա լճի կողմից: Սուրբ Նինոն (հայկական աղբյուրներով՝ Նունեն) Սուրբ Հռիփսիմյանց կույսերից մեկն էր, ով IV դարի սկզբներին շուրջ 20 տարի քրիստոնեություն է քարոզել Չայաստանում, Վարագա լեռան մոտակայքում եւ այստեղից ուղեւորվել Վրաստան, Մցխեթա:

Վրաստանի հինավուրց մայրաքաղաքում Սուրբ Նինոն «Սուրբ Հոգու զորությամբ» կատարել բժշկումներ: Ըստ ավանդության, կույսը բուժել է Վրաց Միրիան թագավորի հիվանդ որդուն՝ նրան խաչակնքելով, ապա՝ բժշկել նաեւ հիվանդ Նանա թագուհուն: Որոշ ժամանակ անց, Միրիանը, որսորդության զնալիս, հանկարծ շրջափակվել է թանձր մառախուղով: Որոշել է աղոթք հղել Նինոյի քարոզած Աստծուն, ինչից հետո խավարը ցրվել է: Վերադառնալով պալատ՝ թագավորը կարգադրել է՝ ընդունել Հիսուս Քրիստոսին՝ որպես Բարձրալ Աստծու Որդու, իսկ Նինոյին՝ որպես Առաքելուհու: Թագավորի հրովարտակով, Նինոն քանդել է տվել Քուռ գետի ափին բլրի վրա կանգնեցված Արմազի արձանը եւ փոխարենը կանգնեցրել Քրիստոսի խաչի նշանը:

Սուրբ Նինոն վախճանվել է մոտ 340 թվականին եւ հուղակավորվել Արեւելյան Վրաստանի Կախեթի Սիդնաղիում գտնվող Բողբե մենաստանում:

Վիրահայոց թեմի «Հայարտուն» կենտրոնի կրթական բաժնի աշխատակիցները ցավակցում են Վիրահայոց թեմի Բաթումիի Ալ. Մանթաշյանի անվան կրթա-մշակութային կենտրոնի «Սուրբ Մեսրոպ Մաշտոց» կիրակնօրյա դպրոցի ուսուցչուհի Սաթենիկ Դանիելյանին, մոր՝

Գայանե Բաղդասարի ԴԱՆԻԵԼՅԱՆԻ

մահվան կապակցությամբ եւ վշտակցում հանգուցյալի ընտանիքին ու մերձավորներին:



ԵՐԹԵՎԵԿՈՒԹՅՈՒՆ

ՄՏԵՓԱՆԾՄԻՆԴԱ-ԼԱՐՍ ՃԱՆԱՊԱՐՀԻՆ ԳՈՐԾՈՒՄ ԵՆ ՍԱՀՄԱՆԱՓԱԿՈՒՄՆԵՐ

Ըստ Վրաստանի ճանապարհների վարչության, առատ ծյան եւ մերկասառույցի պատճառով միջազգային նշանակության Մցխեթա-Ստեփանծմինդա-Լարս ավտոճանապարհի Գուդաուրի (Փոստա)-Կոբի հատվածում) կցորդով եւ կիսակցորդով տրանսպորտի տեղաշարժն արգելվում է, իսկ ճանապարհի մնացած հատվածներում երթևեկությունն ազատ է:

Գուդաուրի-Կոբի հատվածում երթևեկությունը կիրականացվի առանց կանգառ ռեժիմով, միայն ձնահոսքից պաշտպանող թունելների միջոցով:

Նշված կարգով երթևեկությունը կիրականացվի պարեկային ոստիկանության անմիջական հսկողության ներքո:

1		2		3		4		5	6	7		8
							9					
10					11			12				
				13				14				
15				16				17				18
		19	20				21					
	22					23	24			25		
26					27					30		31
				28				29		30		31
32				33		34		35		36		
						37						
38	39				40							
					41			42				
43					44			45				
				46				47	48		49	50
							51			52		
	53							54				

Խ Ա Չ Բ Ա Ռ

ՀՈՐԻԶՈՆԱԿԱՆ

1. Դաշնակ Դրո՝ ... Կանայան: 5. Պետություն Եվրոպայում: 9. Հակա, դեմ: 10. Հովի. Թու՝ մանյանի հեքիաթի հերոսուհի: 12. Բարձրանալ, վեր կենալ: 13. ... մաշ, ... բուն: 14. Կապ, կայար, ...: 15. Ծայր, սահման: 16. Փորձված օդաչու: 17. Հերոս «Առաջին սիրո երգը» ֆիլմում: 19. Գերմանացի փիլիսոփա: 21. Արարատը՝ մտերիմների մոտ: 22. Հայկական Կիլիկիայի մայրաքաղաքը: 23. Չտաված, ձեռագիր: 25. «Ա՛խ, դու ..., հիմար ...» («Չարի վերջը»): 26. Բուք ու ...: 27. Ռուս խորհրդային արձակագիր, բանաստեղծ, գրականագետ Չուկովսկու անունը: 28. Աչքի «փականը»: 29. ... ու առաջ անել: 30. Կաթնամթերք: 32. Սար Արեւմտյան Հայաստանում: 34. Գետ Ֆրանսիայում: 36. Քաջ, համարձակ: 37. Վրաց նկարիչ ... Գուդիաշվիլի: 38. Թբիլիսահայ գրող Խաժակ Եփրիկյանի պատմվածքներից «...ի չինարին»: 41. Վրաց բանաստեղծ ... Փոցխիշվիլի: 43. Ստ. Զորյանի պատմվածքներից «Ճանապարհորդ ...»: 44. Սիբիրյան խոշոր գետերից: 45. Համադասական շաղկապ: 46. Գյուղ Նինոծմինդայի մունիցիպալիտետում: 47. Հայ երիտասարդ կոմպոզիտոր: 51. Չկներով սնվող թռչուն: 52. Արու, ոչ էգ: 53. Արշակ թագավորի կալվածավայր բերդը: 54. Ֆրանսիացի հայտնի երգա-

հան, երաժշտական քննադատ ... Դեբյուսի:

ՈՐԴԱՆՈՒՄ

1. Կախարդել, թովել, իրապուրել: 2. Երկրից դուրս, արտասահման: 3. Հայերենի հոլով: 4. Երկներանգ, գույնզգույն: 5. Քաղաք Ուկրաինայում: 6. «Խառ ու ղու՛մաշ, ... հագին» («Ագռավն ու աղվեսը»): 7. Ասորեստանի մայրաքաղաքը: 8. Երգչուհի ... Պուգաչովա: 11. Ազգային ժողովի, խորհրդարանի արտահերթ ժողով: 14. Հայկական առաջին երաժշտական ֆիլմը: 18. Սեղրի հունքը: 20. Հայկական գաղտնի բանակ: 21. Հուր, կրակ: 22. Վրաց անվանի դերասանուհի ... Ճիաուրելի: 23. Թուրքիայում տպագրվող հայկական թերթ: 24. Շվեդ քիմիկոս, գյուտարար, դիմամիտի ստեղծողը: 30. Եգիպտոսի քաղաքամայրը: 31. Շոթա Ռուսթավելու հերոսուհի: 33. Հերոսուհի Հովի. Թու՝ մանյանի «Գիջորը» պատմվածքում: 35. Վահան Տերյանի «Երկիր ...» ժողովածուն: 38. Առողջարանային վայր Թբիլիսիի մոտակայքում, Արամ Խաչատրյանի ծննդավայրը: 39. «Միգ» կործանիչի ստեղծողը: 40. Զիլու ոտքը: 42. Աստվածաշնչյան կերպար: 48. Ուրիշ, տարբեր: 49. Գաղտնաթիվ միջազգային լեզվով: 50. Ստորադասական շաղկապ:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՏԱՐՎԱ N 101-102 ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ

7. Անեքսիա: 8. Ագարա: 9. Ռուր: 10. Եղեռն: 13. Բասմա: 18. Բրոշ: 19. Խաթաբալա: 22. Նինո: 23. Պտղատու: 28. Վայել: 29. Անագե: 32. Երե: 33. Միտն: 34. Նեման: 37. ՀժԿ: 39. Անուն: 41. Իմալ: 44. Լդար: 46. Միթե: 47. Նամ: 49. Ղազ: 50. Խաբուսիկ: 52. Գչիր: 54. Ղասաթ: 55. Զուրա: 56. Լա: 57. Լագեր: 58. Լոին: 11. Ռեան: 12. Ռուան: 14. Արեղա: 15. Սոնտե: 16. Պաս: 17. Կապ: 20. Թիրախ: 21. Բոհեմ: 24. Տվեն: 25. Այծ: 26. Ուլան: 27. Սերժ: 30. Նման: 31. Գույն: 35. Եսին: 36. Ադաթ: 37. Հող: 38. Կերակուր: 40. Ուրմաս: 42. Միջ: 43. Լեգրան: 44. Լյուբա: 45. Աղիք: 48. Ախագ: 51. Բալ: 52. Գալ: 53. Իլի:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺՁԼՈՆՈ 0105, ՃԱՄԲԵՂՈՆ ԺՅՖԱ 5.
Մեր հասցեն՝ Թբիլիսի 0105 Գ.Աթոնելի փ. 5
ԾՁԼ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՑՁԵԾՁԵՈ»
ՄԺՁԼՈՆՈ, ՆԱՅՅԵՄԵՂՈ
"BPACTAH"
Тбилиси, Грузия
<VRASTAN>
Georgia, Tbilisi
Индекс 66445